



ԲԱՐՁՐԱԳՈՒՅՆ ԿՐԹՈՒԹՅԱՆ ԵՎ ԳԻՏՈՒԹՅԱՆ ԿՈՄԻՏԵ
Ն Ա Խ Ա Գ Ա Հ

ք. Երևան

24.06.2024 թ.

Հ Ր Ա Մ Ա Ն N 182-Ա

ՕՏԱՐԵՐԿՐՅԱ ՊԵՏՈՒԹՅՈՒՆՆԵՐՈՒՄ ՍՏԱՑՎԱԾ ԳԻՏԱԿԱՆ ԱՍՏԻՃԱՆԻ ԴԻՊԼՈՄԸ (ՎԿԱՅԱԳԻՐԸ) ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԻՏԱԿԱՆ ԱՍՏԻՃԱՆԻ ԴԻՊԼՈՄԻՆ ՀԱՄԱՊԱՏԱՍԽԱՆԵՑՄԱՆ ՀԱՄԱՐ ԱՆՀՐԱԺԵՇՏ ՓԱՍՏԱԹՂԹԵՐԸ ՍԱՀՄԱՆԵԼՈՒ ՈՒ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԲԱՐՁՐԱԳՈՒՅՆ ՈՐԱԿԱՎՈՐՄԱՆ ՀԱՆՁՆԱԺՈՂՈՎԻ ՆԱԽԱԳԱՀԻ 2014 ԹՎԱԿԱՆԻ ԱՊՐԻԼԻ 1-Ի N 46-Ա ԿԱՐԳԱԴՐՈՒԹՅՈՒՆԸ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ

Առաջնորդվելով «Նորմատիվ իրավական ակտերի մասին» Հայաստանի Հանրապետության օրենքի 37-րդ հոդվածով և Հայաստանի Հանրապետության կառավարության 1997 թվականի օգոստոսի 8-ի N 327 որոշմամբ հաստատված «Հայաստանի Հանրապետությունում գիտական աստիճանների շնորհման» կարգի 5-րդ և 43-րդ կետերի պահանջներով՝

Հ Ր Ա Մ Ա Յ ՈՒ Մ ԵՄ

1. Սահմանել օտարերկրյա պետություններում ստացված գիտական աստիճանի դիպլոմը (վկայագիրը) Հայաստանի Հանրապետության գիտական աստիճանի դիպլոմին համապատասխանեցման համար անհրաժեշտ փաստաթղթերը՝ համաձայն հավելվածի:

2. Ուժը կորցրած ճանաչել Հայաստանի Հանրապետության բարձրագույն որակավորման հանձնաժողովի նախագահի 2014 թվականի ապրիլի 1-ի «Համապատասխանեցման համար անհրաժեշտ փաստաթղթերի մասին» N 46-Ա կարգադրությունը:

ՍԱՐԳԻՍ ՀԱՅՈՑՅԱՆ

Հավելված

Բարձրագույն կրթության և գիտության կոմիտեի
նախագահի 2024 թվականի հունիսի 24-ի N 182-Ա
հրամանի

Օտարերկրյա պետություններում ստացված գիտական աստիճանի դիպլոմը (վկայագիրը) Հայաստանի Հանրապետության գիտական աստիճանի դիպլոմին համապատասխանեցման համար անհրաժեշտ փաստաթղթեր

- դիմում՝ Բարձրագույն կրթության և գիտության կոմիտեի նախագահի անունով,
- համապատասխանեցման ենթակա դիպլոմը և դրա պատճենը (դիպլոմի բնօրինակը վերադարձվում է պատճենի հետ համեմատելուց հետո),
- դիպլոմի՝ նոտարական կարգով վավերացված հայերեն թարգմանությունը,
- բարձրագույն կրթության դիպլոմի պատճենը (դոկտորի գիտական աստիճանի դեպքում՝ նաև թեկնածուի գիտական աստիճանի դիպլոմի պատճենը),
- անձնական թերթիկ,
- ատենախոսությունը (կամ դրա հավասարազորը), ինչպես նաև դրա էլեկտրոնային տարբերակը,
- սեղմագիրը (առկայության դեպքում),
- հրատարակված գիտական աշխատանքների ցուցակը,
- անձնագրի պատճենը:

Ծանոթագրություն. սույն փաստաթղթերը դիմողը պետք է ներկայացնի մեկ օրինակից և գրանցվի Բարձրագույն կրթության և գիտության կոմիտեի պաշտոնական կայքում: